

mentos adquiridos polos alumnos e, en caso de superalas, expedirá o certificado correspondente co que poderá solicitar á Dirección Xeral de Saúde Pública e Planificación da Consellería de Sanidade, o carné de aplicador/manipulador de biocidas, nivel cualificado.

Santiago de Compostela, 1 de decembro de 2009.

Sagrario Pérez Castellanos
Directora xeral de Saúde Pública e Planificación

ANEXO

Ficha de solicitude de inscrición

Curso de aplicador/manipulador de biocidas. Nivel cualificado

-Entidade organizadora: *Biocontrol e Calidade Alimentaria, S.L.U.*

-Data: o curso impartirase dous días por semana nos meses de febreiro e marzo de 2010 polas tardes das 16.00 ás 21.30 h.

Os días 11, 18, 23, 25 de febreiro e 2, 4, 9, 11, 16, 18, 23, 25 de marzo de 2010.

-Lugar de celebración: *Instalacións de Biocontrol e Calidade Alimentaria, S.L.U.* Avda. Primo de Rivera 4-2º, local 6-7, 15006 A Coruña.

-Duración: 60 horas teórico/prácticas e 1 hora proba avaliación.

-Horario: das 16.00 ás 21.30 h.

-Nº máximo de alumnos: 20.

-Prezo: 520 euros que se van ingresar na conta *Biocontrol, S.L.* do *BBVA* co número 0182 2201 45 0201581606.

Inscrición: enviar ficha de solicitude xunto co xustificante de pagamento a *Biocontrol*, avda. Primo de Rivera, 2º local 6-7, 15006 A Coruña. Tel: 981 24 54 18. Fax: 981 16 81 59. Correo electrónico: biocontrol@biocontrolbcl.com.

-Data límite de presentación de solicitudes: ata o día 8 de febreiro de 2010 (26 de xaneiro para empresas bonificadas).

-Criterio de selección: por rigorosa orde de recepción da solicitude xunto co xustificante de pagamento.

Empresa

CIF

Enderezo

Localidade.....

Teléfono.....

Fax.....

Correo electrónico

Apelidos.....

Nome.....

NIF

CONSELLERÍA DO MEDIO RURAL

Orde do 18 de decembro de 2009 pola que se modifica a Orde do 6 de agosto de 2009 pola que se regulan e se convocan as subvencións de apoio á viabilidade das explotacións leiteiras galegas, ampliando a súa dotación orzamentaria e modificando o límite establecido por quilo de cota.

Pola Orde do 6 de agosto de 2009 reguláronse e convocáronse subvencións de apoio á viabilidade das explotacións leiteiras galegas (*Diario Oficial de Galicia* nº 156, do 11 de agosto).

Así mesmo, polas ordes do 14 de outubro de 2009 (*Diario Oficial de Galicia* nº 204, do 19 de outubro) e do 13 de novembro de 2009 (*Diario Oficial de Galicia* nº 226, do 18 de novembro), ampliouse a dotación orzamentaria da Orde do 6 de agosto de 2009, nunha cantidade de oitocentos trinta e un mil cento trinta e catro euros con cincuenta e catro céntimos (831.134,54 euros), e de dous millóns cento dezasete mil euros (2.117.000 euros), respectivamente.

No artigo 15 da orde, relativo ao financiamento destas axudas, detállase a aplicación orzamentaria, o importe económico previsto para elas e que dita cantidade pode ser incrementada con fondos adicionais procedentes desta ou outras administracións.

Á vista das dificultades polas que están pasando as explotacións leiteiras e os fondos adicionais que se poden destinar a estas axudas, parece razoable facer unha nova ampliación orzamentaria da orde para que os importes poidan ser maiores.

Tendo en conta que coa nova ampliación orzamentaria pode superarse o límite por kg de cota que se establece na orde, é momento de ampliar ese límite.

En consecuencia, de acordo co disposto no artigo 30.1º 3 do Estatuto de autonomía de Galicia e facendo uso das facultades que me confiren o artigo 14 da Lei 9/2007, do 13 de xuño, de subvencións de Galicia, así como en uso das competencias que me confire a Lei 1/1983, do 22 de febreiro, de normas reguladoras da Xunta e da súa Presidencia,

DISPOÑO:

Artigo primeiro.-Amplíase a dotación orzamentaria que se recolle na orde desta consellería do 6 de agosto de 2009 (*Diario Oficial de Galicia* nº 156, do 11 de agosto) pola que se regulan e convocan as subvencións de apoio á viabilidade das explotacións leiteiras galegas, nun total de catro millóns catrocentos setenta e un mil douscentos dezaseis euros con setenta e oito céntimos (4.471.216,78 €), na aplicación orzamentaria 49.02.712B.772.0 dos orzamentos xerais da Comunidade Autónoma de Galicia.

Artigo segundo.-Modifícase o número 1º do artigo 3 da devandita orde que queda redactado como segue:

1. As axudas establecidas nesta orde consistirán nunha subvención aos titulares de explotacións leiteiras que cumpran os requisitos establecidos no artigo 2.1º desta orde. Para a determinación do importe unitario, que poderá chegar ata 1,1 céntimo

por quilo, procederáse ao rateo do importe global da dispoñibilidade orzamentaria prevista nesta orde entre os quilos de cota dispoñible, en 31 de marzo de 2009, polos solicitantes. O importe unitario resultante por quilo de cota repartirase entre os beneficiarios en función dos quilos de cota dispoñible polo solicitante en 31 de marzo de 2009, cun importe máximo de 7.500 euros.

Disposición transitoria

Única.-A ampliación prevista nesta orde non afecta o prazo de presentación de solicitudes establecido na Orde do 6 de agosto de 2009.

Disposición derradeira

Única.-Esta orde entrará en vigor o día seguinte ao da súa publicación no *Diario Oficial de Galicia*.

Santiago de Compostela, 18 de decembro de 2009.

Samuel Jesús Juárez Casado
Conselleiro do Medio Rural

IV. OPOSICIÓNS E CONCURSOS

CONSELLERÍA DE EDUCACIÓN E ORDENACIÓN UNIVERSITARIA

Anuncio do 11 de decembro de 2009, da Dirección Xeral de Centros e Recursos Humanos, polo que se comunica a publicación das puntuacións definitivas e a relación de excluídos do baremo aberto pola Resolución do 13 de outubro de 2009, da Dirección Xeral de Centros e Recursos Humanos, polo que se comunica a apertura dun prazo para solicitar prazas de interinidades ou substitucións para impartir docencia de relixión no nivel de educación secundaria obrigatoria e bacharelato nos centros docentes públicos que dependen da Consellería de Educación e Ordenación Universitaria.

Publicada a lista provisional e resoltas as reclamacións, procede publicar o baremo definitivo e a relación definitiva de excluídos no taboleiro de anuncios da Consellería de Educación e Ordenación Universitaria, nos departamentos territoriais e na páxina web desta consellería.

En consecuencia, esta dirección xeral

RESOLVE:

Primeiro.-Facer públicas na Consellería de Educación e Ordenación Universitaria, nos seus departamentos territoriais e na páxina web desta consellería (<http://www.edu.xunta.es> profesorado/interinos-substitutos) as puntuacións definitivas e a relación de excluídos definitivamente do baremo para prazas de interinidades e substitucións para impartir

docencia de relixión no nivel de educación secundaria obrigatoria e bacharelato nos centros docentes públicos que dependen da Consellería de Educación e Ordenación Universitaria.

Segundo.-Elevar a definitiva a lista provisional de excluídos, publicada no anexo do Anuncio do 10 de novembro de 2009 (DOG do 24 de novembro) coa excepción de Almarza Cano, José M^a, DNI 05657275-B, que pasa a formar parte do baremo definitivo.

Terceiro.-Contra estas puntuacións definitivas poderá interpoñerse recurso de alzada no prazo dun mes, a partir do día seguinte ao da publicación deste anuncio no *Diario Oficial de Galicia*, ante o conselleiro de Educación e Ordenación Universitaria.

Santiago de Compostela, 11 de decembro de 2009.

José Manuel Pinal Rodríguez
Director xeral de Centros e Recursos Humanos

CONSELLERÍA DE TRABALLO E BENESTAR

Orde do 10 de decembro de 2009 pola que se convoca a provisión, polo sistema de libre designación, dun posto de traballo vacante nesta consellería.

De conformidade co establecido no artigo 29.2º do Decreto legislativo 1/2008, do 13 de marzo, polo que se aproba o texto refundido da Lei da función pública de Galicia, e no artigo 16 do Decreto 93/1991, do 20 de marzo, polo que se aproba o Regulamento de provisión de postos de traballo, promoción profesional e promoción interna, e en uso das atribucións conferidas polo artigo 17.4º do mesmo decreto, esta consellería

DISPÓN:

Primeiro.-Anunciar a convocatoria para cubrir, polo sistema de libre designación, o posto de traballo que se indica no anexo I desta orde.

Segundo.-Poderán concorrer a ela os/as funcionarios/as de carreira que reúnan as condicións que para o posto de traballo se sinalan no anexo I.

Terceiro.-As solicitudes para participar nesta convocatoria presentaranse no rexistro xeral da Xunta de Galicia (edificio administrativo de San Caetano, s/n, Santiago de Compostela), nos seus departamentos territoriais ou nas oficinas previstas no artigo 38 da Lei 30/1992, do 26 de novembro, de réxime xurídico das administracións públicas e do procedemento administrativo común, no prazo de quince días, contados a partir do seguinte ao da publicación desta orde no *Diario Oficial de Galicia*, segundo o modelo que se inclúe no anexo II.

Cuarto.-Os aspirantes deberán unir á petición un *curriculum vitae* e xustificar documentalmente os méritos que aleguen.